

歐北集

第十一冊

甌北集卷十九

起壬辰三月
至是年十月

陽湖 趙翼 雲崧

古州

古州吾昨到黔粵一通津騶騎重來路鶯花欲暮春兵
猶留重鎮苗漸似齊民四十年開闢君看化理淳

黎平王太守招同龔郡丞李明府讌集五榕山卽

事

投轄深叨雅意留賓筵高占碧山幽鳴騶太守開公讌
打鵲參軍進主謳時演嘉蔭五株垂十畝清江一曲匯雙
流醉歸燈火西湖似何意蠻荒得此遊

贈龔梧生郡丞

茗生老友貽我詩有爲龔侯題幀句

去歲窮心餘寄近作一本中有題龔侯所藏技指主

墨迹即君物也

吾不知侯何如人意必嫌雅擅高趣豈期相見黔

陽天問里況共江南路乍晤已驚骨格清深談彌識腹
笥裕官無長物俸分鶴家有古書身作蠹稱詩評畫一
一精下語輒比郭象許使我不覺恨見晚醉後心期盡
披露胡爲我來君將去跡似參商避朝暮七千里外百
蠻中如此勝友寧易遇秋風落葉洞庭波春柳長條白
門樹知君卜築近秦淮茗生亦在彼中住預擬他年互
來往三老風流桃葉渡

谷崗道中

陸行日日遇巖阿此地尤稱錦繡窠嶺樹身長枝葉少

溪流性急浪濤多野禽五色仙裙蝶山黛千盤佛髻螺
可惜輕拋蠻徼內幾人來此寄清哦

南籠

殘明爲永明王自粵西
竄此倚賊孫可望爲援

當日亡王此駐師孫思遙應作藩籬投荒緩死謀何濟
倚賊圖存事可知君后支糧須計口

可望使偽守給糧冊書
皇帝一各妃嬪幾口

公

卿召甲總橫屍

可望遣人來索通李定國
首殺吳貞毓以下十八人

可憐斗大孤城裏曾

習朝班拜舞儀

馬場

卽吳貞毓等藁葬處爲永明
王親題十八先生成仁處

一邱枯骨掩輪囷斷碣曾題詔墨新事去太阿歸劇賊
亂來葦席裹勞臣衰朝黨禍黃門獄此輩清流白馬津
見說蕭蕭風雨夜居人時聽泣青燐

海龍岡

播州楊應龍自焚處四面陡絕上有平地可屯數千人兼有井汲之不竭異天險也

四圍巔絕陡無門上有寬平可駐軍扼險欲過唐夾寨
攻堅幾費李摩雲國餘暮氣兵猶勁地欲華風賊自焚
平播後卽改流今遵義府也五百年來淪異域一朝摧廓亦奇勲

鴨池河

鴨池兩岸陡如門千仞懸崖斧劈痕絕似巨靈肩掌力
分開太華放河奔
危途如線入孱顏側嶺橫峯紫翠斑細碎石紋嵌短草
皴成一幅廣西山

路經黔西戴春臺州牧邀遊東山寺卽事

曲徑通幽喜乍經風塵中有此禪局兩山臂抱三重屋

十栢肩排一字屏蠻國當年誰所植僧寮此日客堪停
山名雅稱人高卧慚愧吾猶出戴星

野性惟貪景色幽每逢佳處愛停騶壺觴竟踐看山約

在貴陽時
君先有約

猿鶴偏嘲喝道遊地主開筵當軟脚使君出郭

作遨頭壁間名句殊難和

璧間有孫補山學使及
州牧蘇君去疾題句

小憩聊爲訪

戴留

抵畢節攝威寧牧崇君士錦置酒梓潼閣邀同總

戎福公興觀察龔公都閫蔣君成章畢節令邱

君堂讌集卽事

邂逅朋簪集留髡地主嘉行廚攜蜀酒小閣對蠻花詞

豈當黃絹籠應有碧紗清游聊紀勝林影夕陽斜

國史集
卷之三
三
晝朱輻豈易膺坦途應更履如冰誰知到漑身猶臭
已作宜明面可憎使酒不聞三爵退擁車自喜入騶騰
老大看慣秋千架纔上高層又下層

會鞭學士段文操刮目多承賞鑒高抵鵲不聞輕用玉
割雞也要辨何刀詞頭天上宣麻貴盾鼻軍中草檄豪
今日江郎一鼓筆供他老瞽去吹毛

關索揷槍巖歌

萬仞危崖拔地起磴道盤空有遺壘土人相呼關索巖
云是漢前將軍子曾從諸葛征南來丈八鐵槍揷於此
我讀蜀志典可徵髯翁二子平與興此外不聞更誰某

母乃荒誕未足憑然而滇黔萬里境到處俱有索名嶺
若果子虛無是公安得威聲至今永當斗壯繆心安劉
胸中浩氣橫九州一門忠孝出天性厥子亦定賢豪流
渡瀘深入不毛地將種應爲丞相倚斷頭掉尾紛猱苗
蠱毒蛇氛叢瘴癘想見前驅摧陷力生闢鬼鄉作人世
嗟哉翠壁高摩天一槍留鎮何機權豈同射右箭沒羽
或比刺山劍出泉要以神奇讐蠻俗如鐵柱殺蛟龍涎
君不見武鄉擒縱用心苦亦假威靈靖南土深崖往往
貯金甲貴陽有諸葛藏甲巖荒村處處瘞銅鼓蠻村多銅鼓皆云諸葛鼓也不知此物
究何用千載羣蠻舌猶吐可知一枝綠沉槍直抵長坂
蛇矛萬人阻我來跋馬蒼山根陰風颯颯寒荆榛欲求

故蹟已罕有偏覺英采垂千春年深世遠不消飲此豈
得謂無其人嗚呼書生論古勿泥古未必傳聞皆偽史
策真

題署中桃樹

窻外天桃漸滿圍去時曾訂賞芳菲花當好看無人看
春已先歸始我歸却省傷懷紅雨落翻欣結子綠陰肥
可知凡事都如此每到當前願輒違

借廬總戎湧珠亭讌集

亭在威寧城北山下有池泉從池底噴出大如葡萄俗又名葡萄泉

借得林亭宴客來羊城曾記日追陪豈期好友還重聚
余守廣州時君爲督標副將晨夕相見余乍威寧君又擢南龍總戎來攝威寧領事况值繁花正艷開地出醴

泉應作記人逢舊雨要銜杯湧珠亭畔添佳話騶騎清

遊盡日廻

爲胡守闔題其尊人衛卿遺照

鬚眉看先輩舊似襄陽訓子柳公綽居鄉王彥方名
書丹漆管門列綠沉槍蘭錡應逾拓緣知世德長

卽景

慚愧車前尙入騶略無可稱俸錢優半間屋小聊名舫
六月山溪早着裘才思漸如強弩末歸心已折大刀頭
閒來細數經年事何一堪爲惠績留

忽忽新霜上髣髴少年一瞥渺難追厭聽俗吏趨時術
漸喜名流晚歲詩牘判兩燈猶眩目餐加一盞輒傷脾
蘭單自笑疲牛力那更能爭駿足馳

獬豸

昨從海舶詢番俗白者爲主黑者奴

西羊人白者貴
種黑者皆奴隸

水西獬

豸則反是貴黑賤白等級殊四十八支濟火後自號黑
種雄邊隅其餘白者悉下姓弭首帖尾供撝驅由來黔
天本墨穴其色尙黝俗所趨却笑書生拘墟眼偏閱異
類形睢盱試爲僂指述所見欲過立本王會圖初向粵
西識狢獬獬遺裔稱精夫他散處者滿溪峒獬獬狢
獬獬狼狙惟傳馬流是漢戶伏波使守銅柱樞逾年從
軍走滇徼熨夷波竜紛滿途姑刺得楞皆緬屬往往執
訊軍前俘翻身能變飢噬虎有尾或似流濟狐量移東
粵稱腹地輦人蜚戶仍根株五指山黎花挑面八百粟

妖妖覆顙外洋客到狀尤怪或紅毛髮碧眼矐今來黔
中更詭異九股六額繁有徒牯羊鬪屍聚羣醜犵狁打
牙嫁彼姝獫狁人特其一種耳亦復魑曷殊形模通計南
陲萬餘里族類何止千百呼大都人形物其性混沌未
鑿猶頑愚矯捷登山脚不韞風流跳月唇吹蘆衣冠不
與人世接習俗未可禮法拘始知清淑氣有限中士以
外界弗踰就中馴鷺雖不一嗜利好鬪性則俱剝牛磔
犬傳木刻時或突起操戈及我無相如喻蜀檄又無終
軍棄關繻所至乃與此輩狎如課七月兒之無得非風
氣欲開闢天以易俗煩腐儒腐儒安有經濟具徒恃忠
信豚魚孚入世難保不緇涅化俗愧無近赤朱不如還

他本色好點烏浴鵠母乃迂

讀書

炳燭餘光漸可知一編聊與伴幽期短檠忍便拋牆角
修綆終慚汲井眉掩卷卽忘神已耗讀書有益老徒悲
古人輩輩成行列我向誰邊去立錙

人 吟敬齋總戎自滇入蜀進勦金川路過威寧話舊

太乙旗開井絡春手提虎旅上峨岷十年戎馬無遺策
一代封疆有數人石堡漫憑堅似鐵凋門行見碎爲塵
聖書豈是輕移鎮蕩洗兵氛要重臣
回首滇雲絕塞長建牙威望讐遐荒將門世佩三邊印
蠻徼身經百戰場孟獲曾來申誓乞吐番未敢初盟強

老官屯之役緬人乞
和公以單騎蒞其軍

天南歷歷成榮在驗取秋風兩髯蒼

曾共論兵幕府秋何期重此詔軍郵英雄未老難辭擔
戰伐頻經益善謀九折危途驅笮馬七擒餘力縛羗酋
虎頭食肉平生志萬里終看定遠侯

水城

百里蠶叢盡孤城帶碧川地偏無古蹟山豁見平田莊
叟無何境仇池小有天如何此佳處拋落獠人邊

出巡媽姑福集二鉛廠

歲運白鉛八百餘萬供鼓
鑄新改貴西巡道專司

物產稱通璞功參九府圖地真不愛寶政固有官山質
此銀差賤光如錫稍黥並隨三品貢終亞五金班礦亦
披沙揀蘆凝煉石殷妙丹供績畫化粉土容顏未許爲

刀用能陪握槩開參同方取汞鼓鑄價論鍰舊紀生青
岱新看出白蠻官來賓賤裏職隸貨泉間石炭燒紅燄
礪砂剡碧屏椎埋紛惡少淵數集諸姦地大勾稽密途
長轉運艱輓輸招竿馬負背雇花鬻期恐頭綱悞程催
足繭癥猶傳金穴富共覬枕囊慳風自盈雙袖功寧鍊
九還稍欣諸客戶安堵已成闌

懷心餘

散髮江湖理釣絲高雲倚卷見風期三千載贖才還在
四十應車跡太奇閑戶著書黃絹字閒居奉母白華詩
故人萬里遙相望漢上題襟定幾時

再遊葡萄泉作

噴碧泉成串疑通海眼生我慚臨水照他是在山清未
可龍珠挂偏宜馬乳名挑來試新釀會及臘醅傾

先輩查初白詩云亂山中有豺狼穴曲突何人議

水西蓋其時雖已擒安坤改郡縣而獬鬼猶懷

反側也余所轄大定黔西平遠威寧卽水西地

百年以來皆成編戶矣經臨途次雜紀以詩

濟火曾標蜀漢功

相傳羅鬼之始有濟火者從諸葛武侯征蠻立功世有其地

千年兵號小西

雄師頭掉尾諸羅鬼今日都編保甲中

匹馬朝天跡已陳開通九驛亦勞臣遂延三百年宣慰

何物奢香一婦人

萬古烏蠻窟穴高改流寧易偃弓刀犬牙相錯安州郡

想見當時布置勞

華風濡染變狂獠光氣將開色色新四十八支頭目衆

近來漸有讀書人

刀耕別自有田功不藉秋成穰穰豐白是苦莖紅是稗

滿山著色畫屏風

芳草茸茸路一條綠痕斜似女裙腰午風麝過餘香在

疑有蠻娘去未遑

韋約軒按察招飲卽事

使節臨滇僅隔旬旋移露朝慰黔民一科愧我稱前輩

萬里逢君是故人法律端資儒者用冰霜不改冷官貧

最歎剪韭西牕話還似京華雅集晨